


19

בשְׁתַ יְהוָה
DISSE^רTATIO PHILOLOGICA,
SISTENS
GENUINAM
EXPOSITIONEM
ORACULI,
QUOD HABETUR

Psalm. XVI: 10.

*Ex Cons. Ampliss. Fac. Philos. in Reg. Academ. Aboënsi,
Sub PRÆSIDIO
VIRI MAXIME REVERENDI atque CELEBERRIMI,
D:NI ISAACI ROSS,
S. S. L. L. PROFESS. Reg. & Ord.
nec non
FAC. PHILOSOPH. h. t. DECANI Maxime Spectabilis,
Pro GRADU MAGISTERII,
Publico Examini defert
LAURENTIUS FREDZELL,
WESTRO-GOTHUS,
In Audit. Major. die X. Junii A:ni MDCCLX.
H. A. M. S.
ABOÆ, Impressit DIRECT. & TYPOGR. Reg. Magn. Duc.
Finland. JACOB MERCKELL.*



§. I.

Rationem instituti ostendit.



Uamquam haud exiguus videtur numerus Philologorum, qui in Sacris litteris exponendis egregiam plane industriam colloca-
runt; nondum tamen penitus potuerunt exhaustire omnia, quæ vastus hic Oceanus conti-
net. Nam ut nihil dicam de illis Scripturæ locis, quæ varios habent nodos, quos nulla Interpretum
solertia solvere hactenus potuit, alia bene multa inveniuntur, quæ licet a plurimis recte fuerint e-
nodata, ab aliis tamen tot exceptionibus exposita,
tot dubitationibus involuta sunt, ut novas requi-
rant curas, si verus eorum sensus, uti par est, o-
mnibus clarissime & certissime constabit. In hoc
numero habendum videtur illustre illud vaticinium
de resurrectione Optimi Salvatoris, quod Psalmo
XVI. 10. prolatum legimus. Inter alios, qui sen-
sum

sum hujus oraculi recte adsecuti sunt, laudari mereatur Cel. H. B. Starckius, qui solita solertia eum in Notis Crit. Select. concinne admodum exhibuit. Quoniam vero tanta ibi brevitate utitur Vir egregius, ut exinde difficilius deponi possit quantum satis est subsidii ad diluendas omnes argutias eorum, quibus diversa placet interpretatio, operæ pretium nos facturos speramus, si quod ille paucis duntaxat verbis indicat, id nos uberioris explicandum & prolixius interpretandum sumeremus. Quantum autem in arduo hocce negotio nostra præstare valuit tenuitas, benignæ tuæ censuræ, Humane Lector, jam modeste subjicimus, enixe rogantes, ut innocuum saltem conatum probes, & si quid humani in nostra deprehenderis opella, illud partim tua humanitate tegas, partim dexteritate corrigas.

§. II.

*Textum Hebreum Oraculi enucleandi, cum variis
Variorum Versionibus exhibet.*

Textus Hebreus Vaticinii, quod enodare decrevimus, sic habet: כִּי לֹא חָזַב נָפְשֵׁי לְשָׂאֵל תְּהֻשָּׁה לְרָאוֹת לֹא. Versio Græca LXX. Senum: ὅπις ὄντες ἐγκαθίδειψες τῷ ψυχὴν μῆτις ἀδην, γένεσις τὸν ὄντος στοὺς ιδεῖν διαφθορά. Hanc Versionem ~~καλὰ~~ πόδα sequitur S. Petrus Act. II: 27. præterquam quod pro Voce ἀδην legat ἀδεις εἰλεπτικῶς, sub intelligendo Vocem πίπον. Versio Latina Vulgata:

*Quoniam non derelinques animam meam in inferno,
neque dabis Sanctum Tuum videre corruptionem.* Sen-
sus Versionis Syriacæ huc redit: *Quoniam non reli-
eturus es animam meam in sepulchro, nec traditurus es
benignum tuum ut videat corruptionem.* Germanica
Lutheri: "Denn Du wirst meine Seele nicht in
"der hölle lassen, und nicht zugeben, dass Dein
"Heiliger verwese." Svecana: "Ty Tu skalt icke
"låta mina Själ i helfwete, och icke tilstädja, at
"Tin Helige fer förgångelse." Nobis adcuratus
hoc modo curanda videtur Versio in nostra Lin-
gva: Ty Tu skalt icke lämna mig i grafwen, ej
heller låta (mig som är) tin barmhertige blifwa
förrutnelse underkastad.

§. III.

Varias Interpretum Sententias de sensu hujus Oraculi breviter recenset.

DE sensu hujus Oraculi in diversa abeunt Inter-
pretes. Quod de Messia intelligi debeat, invicto plane argumento demonstravit S. Petrus Act. II: 29. & seqq. nec quenquam Christianorum, præter Grotium, id unquam in dubium vocasse memini. Multi tamen in his verbis aliam differen-
tiandi caussam inveniunt. Quod de resurrectione Salvatoris hic sermo sit, convenit inter omnes, quippe quod diserte docet Apostolus citati capitilis commate 24, in eum finem nostrum Oraculum adducens. Nec aliud in mentem venire potest cuiquam,

cuiquam, qui textum inspexerit, in eoque corruptionis negationem, quæ posteriori versus hemistichio continetur, animadverterit. De eo tamen multi vehementer dubitant, utrum diversum membrum diversam exhibeat sententiam, an vero in utroque eadem inculcetur veritas. Quibus prior arridet opinio, iterum in duas abeunt classes. Eatenus quidem consentiunt, quatenus utriusque prius membrum de descensu Christi ad inferos intelligunt, quatenus vero alii proprium respiciunt descensum, de quo agitur 1 Pet. III: 18, 19. quippe qui, communis Theologorum consensu, ad statum exaltationis pertinet, alii descensum fingunt metaphoricum, quem per passiones infernales interpretantur, quas optimus Salvator in ara crucis sustinuit, eatenus inter illos nulla viget concordia. Nos eorum sequimur sententiā, qui alterum versus membrum alterius explicationem insinuare contendunt, adeoque non possunt non utrumque de resurrectione intelligere. Ne vero quis putet nos puras sequi auctoritates; nostram sententiam argumentis probabimus, quæ partim ipsa textus σωτήρια, partim verborum & formularum genuina potestas, iisque juncta sana synecrisis nobis suppeditabit.

§. IV.

Ipsam textus σωτήρια luculenta brevitate representat.

Quod priorem argumentorum fontem attinet, quem ipsa textus σωτήρια nobis aperit, nihil

neque clariss, neque certius esse potest, quam
 quod David in toto hoc Psalmo Messiam intelligat,
 eumque primo orantem introducat, ut sub horren-
 dis, quas subiturus erat passionibus omnibusque
 exinanitionis partibus DEUS Pater eum conservet,
 usque dum omnia præstiterit, quæ ipsi præstanta
 & superanda erant, addita simul ratione petitio-
 nis, fiducia scilicet in Patre Suo v. 1. Deinde
 eum, ut oratione ad seipsum conversa, se conso-
 lantem sistit, idque partim consensu in divinum
 redemptionis propositum, quod, æque ac beneficia
 sua, non ad DEUM Patrem Suum, sed ad sanctos,
 (scilicet præcipue & ratione secuturæ applicatio-
 nis), qui in terra erant, pertinere docet, eorum
 infelicitate, qui tanta bona essent rejecturi, simul
 prædicta v. 2-4. Partim eo, quod sibi, ut sum-
 mo Sacerdoti, gloria summa & beatitudo infinita
 a Patre exspectanda, forsque ejus electa perpetuo
 conservanda sit, quippe quæ ipsi perplaceat v. 5
 & 6. Denique Patri maximas agit gratias pro mi-
 sericordissimo & sapientissimo suo consilio de redi-
 mendo genere humano, quodque tam gratam sibi
 spartam indulsisset, ad quam exequendam non in-
 terdiu solum, verum etiam, noctibus sancti ejus
 motus, quos per *renes* innuere videtur, eum insti-
 gent, præsertim cum divinum Patris auxilium cer-
 to sibi spondeat, in eoque operis perficiendi ple-
 nam collocet fiduciam v. 7 & 8. Et quamvis v.
 9, dum de quiete loquitur, se mortuum & sepul-
 tum haud obscure innuat, id tamen sine spe glo-
 riosæ

riosæ resurrectionis haud futurum esse diserte profitetur. Atque illius spei in nostro jam Oraculo subjicitur fundamentum, unde & illud incipit particula י, ו, ק, quia, quæ rationem proinde insinuat, cur caro ejus quiesceret לְבָטֵח, confidenter, in securitate, vel cum LXX. & Apostolo Act. II: 26, ἐν ἀπίδι, in spe. Quis autem non videt, haud aliam hic confidentiam & spem innui quam resurrectionis? necessario igitur in nostro versu ejus fit mentio.

§. V.

Variis exemplis ostendit Scripturam Sacram frequenter adhibere ἑνέργειαν, qua sequentia Versuum membra explicant præcedentia.

Quoniam utraque pars dissentientium suas interpretationes superstruunt hypothesi de diverso sensu diversi membra commatis, de quo agimus, e re fuerit idoneis exemplis ostendere, tam frequenter in Sacris Litteris occurrere figuram ἑνέργειας, qua priora versuum membra in posterioribus explicantur, ut Sacri Scriptores suum quasi solenne facere videantur, cum hoc utuntur Schemate. Inprimis autem hoc sequuntur institutum in rebus grandibus altioreisque admittentibus cothurnum. Illustrè exemplum suppeditat oratio Bileami, in qua Spiritu Prophetico aëtus benedicit Israëli, cui ut malediceret conductus erat a Balaco Num. XXIII: 8. ubi hunc in modum ἑνέργειας cumulat.

cumulat. Quomodo ei maledicam, cui non maledixit DEUS? Quomodo eum execrabor, quem non execratus est Dominus? V. 9. De summis silicibus vidi eum & de collibus consideravi eum. Populus solus habitabit & inter gentes non reputabitur. V. 10. Quis dinumerare poterit pulverem Jacobi, & nosse numerum stirpis Israëlis. Moriatur anima mea (ipse morior) morte justorum & fiant novissima mea horum similia. V. 19. Non est Deus sicut Homo ut mentiatur & filius hominis ut mutetur. Dixit ergo & non faciet, locutus est & non implebit? V. 21. Non est idolum in Jacobo, nec videtur simulacrum in Israële. V. 23. Non est augurium Jacobo, nec divinatio in Israële. Cap. XXIV: v. 5. Quam pulchra sunt Tabernacula tua o Jacob & tentoria tua o Israël. V. 17. Videbo eum sed non modo, intuebor eum sed non prope. Orietur stella ex Jacobo & surget virga ex Israële, & percutiet Duces Moab, & visuabit omnes Filios Seir. In his omnibus exergasiis continua viget ~~imperio~~ semperque posteriora versuum hemistichia priorum continent explicaciones. Sic in notissimo ænigmate Samsonis Jud. XIV: 14. Ex comedore exivit cibus, & ex forti egressa est dulcedo, eadem obtinet figura. Multo enim facilius agnoscir rex quadrupedum cum fortis comedore appellatur, quam cum comedore sine addito dicitur, & multo clarius exprimitur natura mellis termino complexo cibus dulcis, quam incomplexo cibus. Es. I: 24. Consolabor super hostibus meis, & vindicabor de inimicis meis. Hic verbum consolandi explicat verbum vindicandi. Conferantur

rantur loca Esai. I: 3, 4, 6, 7. &c. II: 2, 3, 4, 7, 8, 10, 16, 17. III: 4, 9, 12, 13, 14, 15. IV: 3, 4. V: 3, 5, 7, 14, 15, 16, 17, 18, 19, 20, 21, 22, 24, 27. VI: 7, 8, 9. Ex his haud obscure colligitur, quam familiaris sit ἐπιχείρησις Sacris Scriptoribus. Nusquam vero locorum frequenter est hæc figura, quam in Psalmis Davidicis, quorum nullus fere adduci potest, quin aliquod ejus rei exemplum contineat. Si quis dubitat evolvere poterit Psalm. I: 2. II: 1, 2, 3, 4, 5, 7, 8, 9, 10, 11. III: 8. IV: 2. V: 5, 6, 8, 11, 12, 13. VI: 2, 3, 5, 6, 7, 10. VII: 5, 6, 14, 17. VIII: 5, 7. IX: 7, 9. X: 7, 10. XI: 4, 6, 7. XII: 2, 3, 4. XIII: 2, 3. XIV: 7. XV: 1.

§. VI.

Voces נְפָשִׁים וְתַעֲבָה breviter tangit.

Inter dictiones agmen dicit נְפָשִׁים, quod proinde paucis attigisse juvabit. Radix ejus est נְפָשָׁה, cuius notio primaria respondet notionibus verborum latinorum, *liquit, misit*. Et quoniam Hebræi verbis cum præpositionibus compositis non utuntur, sed uno eodemque verbo tam composita, quam simplicia aliarum lingvarum exprimunt, factum inde est, ut etiam *relinquere, derelinquere, deservire, amittere, dimittere, intermittere, prætermittere*, Svetice: låta, förlåta, underlåta &c. subinde valeat, quemadmodum Verbum נְפָשָׁה, Svet. stå & upstå significat, adeoque stare, existere, subsistere,

resistere, itemque surgere, assurgere, exsurgere, insurgere, resurgere. Sequitur vox נֶפֶשׁ, naphshî, quæ absolute dicitur נֶפֶשׁ, nephesh. Hujus radix est שְׁבַת shabat, balavit, spiravit, unde propriè & formaliter flatum, balitum, spiritum significat Job. XLI: 13. Deinde tropice & materialiter 1:mo vitam, 2:do animam designat. Nostra vero præcipue hic observalle refert eam loquendi rationem, quæ per Synecdochēn totum significet hominem, reddique commode potest persona, ut Gen. XLVI: 26. ubi LXVI animæ, i. e. LXVI personæ cum Jacobo in Ægyptum dicuntur profectæ. Conf. Gen. XII: 5. Jos. XX: 3. Hez. XVIII: 4. &c. quemadmodum Græcorum φυχὴ usurpatum in Sacris Litteris ut Rom. XIII: 1. Matth. XXVI: 38. tum apud Scriptores profanos, ut illud Xenophonis probat Cyrop. Lib. IV. νῦν ὅτι ἐπειδή, τὰς φυχὰς αἰτεῖσθαι. Nunc quidem quod paruissis, animas vestras servastis. I. e. Vos ipsos servastis. Et Latinorum anima, Horat i. Serm. Sat. V. A. v. 39. Tacitus Lib. IV. Hist. Cap. XXXII. quorum eodem modo interdum diminutivum animula adhibetur, sicut Sulpitius Ciceroni Lib. IV. Ep. 5. scribit: In unius mulierculæ animula, si jactare facta est, tantopere commoveris. Adhuc vero proprius ad nostrum institutum spectat, ut attendamus ad illum loquendi modum, quo Hebrei vocem וְאֵלָהּ cum affixis loco pronominum personalium reciproce & demonstrative usurpant ut Psalm. XXIV: 4. XLII: 3. LXIII: 2. CXLII: 8. CXLIII: 6. Ef. III: 9. LV: 2.

LV: 2. LXI: 10. & passim. Quod si vero dubium cui videatur, num his locis hæc adsit notio, rem luce clarius, modo adtendere velit, probabunt alia Scripturæ loca, in quibus vox ψῶν, in statu affixo posita, vel ea sustinet prædicata, quæ in animam minime coire possunt, ut occidi Deut. XIX: 11. XXVII: 25. mori Num. XXIII: 10. Jud. XVI: 30. Job. XXXVI: 14. suspendi Job. VII: 15. discerpi Psalm. VII: 3. esunire Prov. X: 3. pinguefieri Prov. XI: 25. cubare inter leones Psalm. LVII: 5. liberari a gladio Psalm. XXII: 21. liberari a morte Psalm. XXXIII: 19. LVI: 14. CXVI: 8. vel ipsa de iis rebus prædicatur, quæ anima nulla gaudent, utpote cum DEUS Jer. LI: 14. dicitur jura-re בְּנֵי שָׁמָן per animam suam, i. e. Seipsum, sic ubi cunque dicit anima mea, sensus est ego vel ipse, ut Lev. XXVI: 11, 30. Psalm. XI: 5. Ef. I: 14. Ef. XLII: 1. collato Matth. III: 17. ubi Evangelista solo verbo εὐδόκησε effert formulam Prophetæ רַצְחָה נִפְשָׁתָה, quod LXX. verterunt: οὐαὶ ἀσθετικὴ τοῖς Φυλήν παισί. Nullum vero dictum sensum hunc formulæ hujus fortius probat, quam locus Ef. V: 14. ubi ipsi sepulchro seu inferno tribuitur anima. Cœcum enim oportet esse eum, qui non videt, quod sensus sit seipsum dilatavit, quando animam suam dilatasse dicitur.

§. VII.

Notionem formalem Vocis שָׂאוֹל eruere conatur.

Ordine jam excipit vox שָׂאוֹל, quæ omnium
B 2 est

est vexatissima. Hanc a radice נָשׁ descendere certum est. Quænam autem sit primigenia significatio, tum primitivi נָשׁ, tum derivativi נְאָשׁ, nondum detexisse videntur Philologi. Hinc operæ pretium nos facturos putavimus, si eam hic, quantum datur, studerimus eruere. Calculis igitur rite subductis, verbum נָשׁ antiquitus idem significasse probabiliter conjicimus, quod Græcorum οἰνεύς & Latinorum biare, quorum utrique per tropum subjectam reperimus notionem tribui aviditatis & cupiditati. Ex notione igitur biandi etiam in Hebræo facile fluere potuit significatio optandi & petendi, cum omnibus illis modificationibus, quas longa serie recensent Lexicographi. Nec obstat quod hæc vox nullibi locorum in Sacris Litteris occurrat, multis enim verbis id accidisse novimus, quod primariae eorum significations obsoleverint, remanentibus secundariis solis. Hoc nobis pene persuadet notio e medio tollendi, quam Syri nostro verbo tribuunt, eo nimirum nomine, quod illa nullo pacto cum notione petendi in concordiam reduci possit, quamdiu hæc statuitur primitiva, contra vero facillime deduci potest ex notione biandi, quam nos utraque priorem posuimus. Nam cum multa verba apud Hebræos nunc transitivam, nunc intransitivam tueantur significationem, non absonum videtur contendere, quod idem nostro quoque verbo acciderit. Hoc igitur pacto simul inbiandi & vorandi notiōnem habuisse concipitur, unde subducendi & removendi

movendi significatio deinceps sponte descenderet. Fortissimum vero argumentum, quo nostram sententiam probari posse putamus, nobis suppeditavit locus Num. XVI: 30. seqq. ibi enim nostra vocula שׁוֹלֵשׁ sine dubio *hiatum* significat, quamvis id minus observarunt erudit. Agit iste locus de globo conjurationis Korahiticæ, de eoque ibi dicitur, quod vivus descenderit in שׁוֹלֵשׁ, & qui-dem cum universa sua substantia seu omnibus possessionibus. Hoc loco שׁוֹלֵשׁ plerisque vertitur infernus; sed male. Quis enim eos docuit, quod corpora impiorum ante extremum judicium in tartarum præcipitentur. Illud enim absurdum necessario sequitur ex eo, quod viri hi rebelles in שׁוֹלֵשׁ vivi descendisse narrantur. Quidquid vero de hoc sit, absurdum tamen videtur docere, quod res omnes, quas possidebant, utpote tentoria, utensilia, pecora, juventa & id genus alia in locum damnatorum seu cruciatuum, cum omnibus possessionibus, detrusa fuerint. Nec sepulchrum hoc loco commode reddi potest שׁוֹלֵשׁ. Nam descendere in sepulchrum est mori, & e statu viventium in statum mortuorum transferri, hi vero vivi descendisse narrantur. Hinc aut valde ego fallor, aut שׁוֹלֵשׁ hoc loco valet *hiatum*. Disertis enim verbis narrat facer scriptor, quod terra aperta eos absorberit. Certe nihil coacti habet hæc sententia: terra aperta devorabat homines, adeo ut vivi in *hiatum* præcipitarentur. Nam quod adeo ut recte reddi possit, dubio caret. Id constat ex lo-

eis Gen. XXIV: 40. In primis vero sic sumitur, cum, ut hoc loco sit, modum significat v. c. Exod IV: 16. Job. XLI: 8. Sic igitur hujus vocis ordinandas arbitramur significationes, ut notare dicatur 1:mo formaliter *hiatum*. 2:do materialiter *sepulchrum*. Ex utraque harum variæ deinceps natæ sunt notiones secundariæ, quæ passim in S. S. frequentantur. 1:mo Ex formula descendere in *sepulchrum*, quæ, ut nuper dictum est, tantundem valet ac mori, orta est notio, qua *statum quorumvis mortuorum*, sive bonorum bonum, sive malorum malum designet. 2:do Quia homini nihil vita lætius & nihil morte tristius, *calamitates quasvis gravissimas & tristissimas* notare cœpit, quemadmodum mors sæpe eandem habet significationem, & vita iterum contra quasvis designat felicitates & jucunditates. 3:to Quia mors, ob eandem causam, sæpe æternam designat perditionem, factum inde est, ut *sepulchrum* idem significare cœperit, quod tartarus & infernus, locum atque statum condemnatorum. Tandem quia mortui terra teguntur, & *sepulchrum* adeo locus sit inferior & depressior, supra quam ambulant viventes inde evenit, ut vivi *superstites* & mortui *inferi* adpellati fuerint. Et quoniam præterea sæpe profundæ sunt fissuræ, quæ terra *biant* fiunt, nata inde est occasio oppendi Cœlum, tamquam supremum, & *sepulchrum*, tanquam infimum, atque hæc est ratio cur vox שָׁרֵג 4:to *maximam quandoque humiliacionem* significet.

§. VIII.

Hec monuisse sufficiat de vocibus prioris hemistichii, seorsim consideratis. Jam igitur pedem promovemus ad posterius, pari modo visuri quid ejus dictiones in recessu habeant. Hic pri-mum occurrit verbum חסידך, quod est a radice חן dedit. De hoc verbo id tantum monemus, quod, vi regulæ supra allatae, non solum simplex Latinorum dare, sed etiam composita reddere, indere, tradere &c. significet. Hoc proxime excipit no-men חסידיך vel חסידך, quod alii Sanctum tuum, alii Benignum tuum, alii Misericordem tuum expoununt. Vi originis, quam hic anxie non vacat excutere, significat eum, qui ex aliena miseria ægritudinem fentit, adeoque aliis beneficiendi summo flagrat desiderio, quod obiter indicasse sufficiat. Reddi itaque optime potest misericordem tuum, partim quia ea est significatio vocis famo-cissima, partim quia is, de quo dicitur, hoc Psal-mographice describitur ab affectu misericordiae, ut §. IV. vidimus. Illud vero hic queritur maxi-me, utrum rectius חסידיך misericordes tuos, an חסידך misericordem tuum legi debeat, quorum alterum scriptio textualis, alterum lectio marginalis svadet? De uno tantum subiecto sermonem esse constat ex voce nuper excussa נפשך, quatenus ea suffixum gestat numeri singularis. Quod si vero quis probare posset, formam חסידיך esse genuinam, nihil inde nasceretur incommodi, quin potius voci hoc pacto multum adderetur emphaseos.

Notum

Notum enim est, quod in L. S. numero multitudinis s^epe esserantur ea singularia, quæ in suo genere singularis præstantiæ, exellentiæ & eminentiæ sunt. Huc pertinent, præter nomina dominii nempe בָּעֵל & אֶרְן, de quibus vide Gen. XLII: 30, 33. Col. XL: 1. & 1. Reg. XVI: 24. Es. I: 3. Gen. XXIV: 9. Col. XXXIX: 2. 2. Reg. XIX: 4. Exod. XXI: 4. Col. 6: 29. exempla sequentia Job. XL: 15. חַנְהָה בְּהַטּוֹרֶה ecce bestia, i. e. bestiarum maximam, elephantum. Mich. V: 1. וּמִזְאֲתָתוֹ & egressiones seu generationes ejus, i. e. generatio eminentissima & mirabilissima. Thren. III: 32. בְּנִי benignitates, id est summa & maxima benignitas. Sic etiam τὰ ἀγαθά Hebr. IX: 12. οἱ ἀδειῶντες Hebr. I: 2. οἱ σέργοι Marc. XII: 25. col. Math. XXII: 30. &c. nomen igitur חַסְדָּוָר secundum hanc lectionem, vi hujus observationis, denotabit eum, qui unus omnium est misericordissimus, seu cuius misericordia ratione intentionis, extentionis & protentionis est maxima, quod in optimum Salvatorem optime convenit. Duæ, quæ restant voces לְרוֹאָתָה & לְרֹאָתָה, nihil habent difficultatis.

§. IX.

Excessis igitur dictionibus ad locutiones considerandas ex pacto pergimus. Vi eorum, quæ §. III & IV. docuimus, facile quisque videt, prioris hemistichii hunc esse sensum: *Non relinques me sepulchro, i. e. statui mortuorum, ut me possideat, nam iadest ה possessentis.* Hæc formula tandem

tundem valet ac eripies me de statu mortis, *seu non relinques me statui mortuorum eo modo,* quo ceteri ei permittuntur mortales, quorum cadavera in sepulchro putrescunt, me enim prius de fauibus mortis eripies, quam corpus meum, si vel fieri posset, minimam senserit corruptionem. Duo sunt in membro præcedente, quæ in membro sequente planius exponuntur, subjectum & prædicatum. Illud obscurius in priori membro repræsentatur voce נפש, quod, ut vidimus, pronomen me valet, clarus vero in posteriori exponitur nomine נירשת, quod præcipuum ipsius qualitatem depingit, ut ex ea, quis sit, qui loquitur, distincte intelligi queat. Hoc vero quod attinet, tantum abest ut ex solo priori membro plene intelligatur, ut potius palmariam circumstantiam insinuet formula הורת שוראות, quæ membrum posterius claudit. Illa vero formula, cum præcipuum quendam Hebraismum contineat, verbo hic explicanda videtur. Scilicet *videre corruptionem* Hebræis idem valet ac experiri corruptionem seu corrumpi, & corruptioni esse obnoxium. Sic de aliis etiam rebus eodem sensu adhibetur verbum *videndi*, e. g. *Videre mortem* est mori Psalm. LXXXIX: 49. *Videre vitam*, vivere Joh. III: 36. *Videre famem* & *ensem*, fame & ense adfligi. *Videre somnum*, dormire Eccl. VIII: 16. *Videre bellum*, mala belli perpeti Jer. XLII: 14. *Videre arumnas*, ærumnis premi Thren. III: 1. & si quæ sint generis ejusdem. Prius vero quam hanc claudamus paragraphum verbo quoque indicandum, quam exacte priori

membro versiculi nostri respondeat posterius, ut eo certius constet, quod diximus, in utroque hemistichio rem eandem tradi & alterum alterius suppeditare. Sic mutuo sibi respondent 1:o verba חַזְוֹב, relinquens & תָּהַנֵּן dabitis, permittes, 2:do nomina נֶפֶשׁי persona mea & חַסְדָּךְ Sanctus tuus, 3:tiו שָׁאָל status mortis & רָאוֹת שָׁחָת sensus corruptionis. Quoniam vero non cuiusvis est accurate percipere exactissimam convenientiam mediorum nominum נֶפֶשׁ & חַסְדָּךְ, & nondum redita est ratio vocabularum, (mig som ḥār), quas in versione §. II. allata adjecimus, eam hic adulisse haud pœnitabit. De voce נֶפֶשׁ dictum est prius §. VI. quod vice fungatur pronominis reciproci significetque *me*, *memet*, *meipsum*; idem nunc de nomine חַסְדָּךְ adserendum volumus. Nec id difficilem habet probationem. Hebrei enim frequenter loco pronominis reciproci ipsum nomen subjecti ponere assolent. E. G. Gen. IV: 23. Audite vocem meam uxores Lamechi, i. e. uxores meæ. Gen. XVI: 16. Cum pareret Hagar Ismaëlem Abrahamo, i. e. ipsi. Gen. V: 1. Quo die creaverat DEus hominem, in similitudinem DEI creavit eum, i. e. in similitudinem suam. Gen. II: 20. Et Adamo non invenit adjutorium, i. e. sibi, nam ipse Adamus loquitur. Num. XXVII: 11. Quemadmodum Jehovah Mōsi, i. e. ego tibi, nam DEus Mōsen alloquitur. Conf. Exod. XXX: 16. Gen. IX: 16. Gen. XLIX: 2. Psalm. L: 14. Hez. I: 3. &c.

§. X.

ET hæc quidem ad investigationem λέξεως & Φεύγοντος, ut loquuntur Philologi potissimum spectabant; quibus satis, ni fallimur, evicimus, nihil neque dictiones, neque phrases absurdī involvere,

vere, quod impedit poterat, quominus utrumque
 hemistichium nostrum de resurrectione Christi in-
 telligatur. Tempus jam est nonnulla ad *τύρεσον*
 loci, qui præ manibus est, pertinentia monere.
 Hanc in genere *dijudicationem actualitatis sensus in*
loco quolibet definiunt Hermeneuticæ Doctores. Jam
 quidem in superioribus, § præsertim IV ad cal-
 cem, talia, quantum ad nostrum attinet dictum,
 data occasione adduximus, quæ huc jure referri
 queunt. Nec tamen abs re fuerit hic paulo fusius
 probare, sensum, quem tribuimus toti versui 10,
~~actu~~ obtinere. Id autem facilime hoc modo evin-
 citur, supposito, quod cum ratione a nobis fieri
 potest, præter allatas §. III. interpretationes dicti
 hujus, vix alias cum specie aliqua adferri posse,
 sequitur duabus nobis adversis remotis, nostram
 firmo stare tali. Jam vero utraque dissentientium
 (1:mo) recedit a receptissima & famosissima vocis
~~τίνω~~ acceptance, qua sepulchrum & statum mor-
 tuorum denotat, quæve ut probabilis fert conjectura,
 proxime ad significatum formalem ac originem
 vocabuli accedit, conf. §. VII. quod præter
 necessitatem, qualis hic nulla est, fieri non debet.
 (2:do) repugnat contextui, conf. §. IV. licet enim
 sola convenientia cum contextu non statim pro-
 bet veritatem sensus, tamen a pugna cum eo fir-
 miter concluditur ad falsitatem expositionis. (3:to)
 Ordini rerum naturali adversatur, confusionemque
 minime tolerandam imputat Spiritui Sancto. Quis
 enim ferat ordinem præposterum, quo prius v. 9.
 ageretur de mortis statu, deinde v. 10, de descen-

su Messiae ad inferos, sive proprie dictum & triumphalem, sive impro prium & passionalem intelligas, & nihilominus postea in eodem quidem versu, rursum injiceretur mentio conditionis ejus in sepulchro; vi cuius non potuit videre corruptionem? E contrario & vocis acceptio & coherentia verborum textus, & ordo rerum pro nobis apertissime militant, simulque dubia quæ nostræ explicati oni obstare videri potuissent, tacite occupata sunt. Sic v. g. ei, quod ab eadem sententia in eodem versu repetita peti potuisset, obviam itur §. V. Pariter si quis vocem ~~vel~~ contra nos urgere vellet, illi abunde satisfactum est §. VI. ut cætera taceam. Unum adhuc adjiciendum, scilicet contra argumentum ^{3:tiuum} objici forte poterit; Spiritum S. non scrupulose inhærente ordini, unde fiat ut ordo rerum & verborum in Sacris Pandectis sâpe mirum quantum inter se discrepant, idque ipsos Theologiz Exegeticæ Magistros fateri. Verum quamquam id nonnunquam fiat, & quidem ob sapientissimas caussas, e. g. ad naturam rei designandam, ob affectum dicentis, receptam loquendi consuetudinem, aut arcanum aliquem respectum in verborum ordine latentem, de quibus pluribus consulatur Rambach. Herm. p. 251, tamen vel ab exemplis a laudato Rambachio allatis manifestum est, hoc ~~usq; wœlce~~ apparens tantum esse. Quis enim ordinis defectum ibi deprehendat, ubi adiunt certa rationes & certa regula, ad quam verborum positus sit conformatus? Sed demus in Sacra Scriptura ordinem verborum non semper sequi ordinem rerum, id tamen prius non est concedendum, quam ex indubius & evidenteris indiciis de eo convincamus. Ubi vero nulla adest prægnans causa & necessitas cur id admittamus, ut in nostro hoc dicto, semper urgendus est or do rerum naturalis, tanquam ordinarium quid, cui quod rarius sit, citra necessitatem minime preferri debet.